

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/112, 09.10.2020թ.

Բողոք բերող անձ՝ «Արալպլաստ» ՍՊԸ

Պատվիրատու՝ ՀՀ քաղաքաշինության կոմիտե

Գնման ընթացակարգի ծածկագիրը՝ «ՀՀՔԿ-ԲՄԱՇՁԲ-20/8» բաց մրցույթ

Գնման առարկան՝ ՀՀ Արագածոտնի մարզի Թալինի բժշկական կենտրոնի վերակառուցման աշխատանքների ձեռքբերում

Բողոքի պահանջը՝ Պարտավորեցնել «ՀՀՔԿ-ԲՄԱՇՁԲ-20/8» ծածկագրով բաց մրցույթի գնահատող հանձնաժողովին դադարեցնել թիվ 2-2 արձանագրությամբ «Արալպլաստ» ՍՊԸ-ի հայտը անբավարար գնահատելու և մերժելու մասին որոշումները:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Բողոքաբեր՝

«Արալպլաստ» ՍՊԸ-ից
գրանցման համարը՝ 269.110.03211
հասցե՝ Ք. Երևան, Չեխովի 12ա, բն.31

«Արալպլաստ» ՍՊԸ-ի տնօրեն Արարատ Ալավերդյան
նույնականացման քարտի տվյալներ՝ 000775049,
տրված 04.12.2012թ.-ին, 003-ի կողմից

Պատվիրատու՝

ՀՀ քաղաքաշինության կոմիտե

հասցե՝ ք. Երևան, Հանրապետության հրապարակ,
կառավարական տուն 3, 4-րդ հարկ

Գնման ընթացակարգի ծածկագիրը՝

ՀՀԲԿ-ԲՄԱՇՁԲ-20/8

գնման առարկան՝

ՀՀ Արագածոտնի մարզի Թալինի բժշկական
կենտրոնի վերակառուցման աշխատանքներ

ԲՈՂՈՔ

1. Գործի նախապատմությունը.

1.1. 24.06.2020թ.-ին ՀՀ քաղաքաշինության կոմիտեն (**այսուհետև նաև՝ Պատվիրատու**) www.armeps.am էլեկտրոնային համակարգի միջոցով հայտարարել է թիվ ՀՀԲԿ-ԲՄԱՇՁԲ-20/8 ծածկագրով Բաց մրցույթ (**այսուհետև նաև՝ Մրցույթ**): Մրցույթի շրջանակներում նախատեսվում է ձեռքբերել «ՀՀ Արագածոտնի մարզի Թալինի բժշկական կենտրոնի վերակառուցման աշխատանքներ» (**այսուհետև նաև՝ Գնման առարկա**): «Արալպլաստ» ՍՊԸ-ն (**այսուհետև նաև՝ Մասնակից**) մասնակցել է Մրցույթին, և ի թիվս այլ մասնակիցների ներկայացրել է հայտ: Մասնակցի ներկայացրած գնային առաջարկը ներառյալ ԱԱՀ-ն կազմել է 1.171.103.626 (մեկ միլիարդ հարյուր յոթանասունմեկ միլիոն հարյուր երեք հազար վեց հարյուր քսանվեց) ՀՀ դրամ,

այն բոլոր մասնակիցների գնային առաջարկներից ամենացածրն է: Սակայն Մրցույթի գնահատող հանձնաժողովը Մասնակցի գնային առաջարկը գնահատել է անբավարար և մերժել է՝ պատճառաբանելով, որ «գնային առաջարկում ԱԱՀ-ն սխալ է հաշվարկված (...):»:

2. Բողոքի համար էական նշանակություն ունեցող փաստերը.

2.1. «Արալպլաստ» ՍՊԸ-ն, «Մեծն Էրիկ» ՍՊԸ-ն, «Գևորգյան և Ներսիսյան» ՍՊԸ-ն և «Ագաթ 777» ՍՊԸ-ն (այսուհետև միասին նաև՝ Մասնակիցներ) մասնակցել են Մրցույթին: «Գևորգյան և Ներսիսյան» ՍՊԸ-ի հայտը հայտերի բացման նիստում մերժվել է, մյուս մասնակիցները ներկայացրել են հետևյալ գնային առաջարկները .

«Արալպլաստ» ՍՊԸ

ՀՀ դրամ

Ինքնարժեք /տառերով և թվերով/	Շահույթ /տառերով և թվերով/	ԱԱՀ** /տառերով և թվերով/	Ընդհանուր գինը /տառերով և թվերով/
3	4	5	6=3+4+5
887199717	88719972	195183937	1171103626

«Մեծն Էրիկ» ՍՊԸ

ՀՀ դրամ

Ինքնարժեք /տառերով և թվերով/	Շահույթ /տառերով և թվերով/	ԱԱՀ** /տառերով և թվերով/	Ընդհանուր գինը /տառերով և թվերով/
3	4	5	6=3+4+5
989785922	98978592	217752903	1306517417

«Ագաթ 777» ՍՊԸ

ՀՀ դրամ

Ինքնարժեք /տառերով և թվերով/	Շահույթ /տառերով և թվերով/	ԱԱՀ** /տառերով և թվերով/	Ընդհանուր գինը /տառերով և թվերով/
3	4	5	6=3+4+5
983361210	393344210	275341139	1652046833

2.2. Հայտեր ներկայացրած մասնակիցների թվից նվազագույն գնային առաջարկը ներկայացրել է «Արալպլաստ» ՍՊԸ-ն :

3. Բողոքի հիմքերը, փաստարկները.

3.1. Պատվիրատուն գնման ընթացակարգի 07.10.2020 թվականի թիվ 2-2 արձանագրությամբ Մասնակցի հայտը գնահատել է անբավարար և մերժել է, պատճառաբանելով, որ «Գնային առաջարկի հավելվածում ԱԱՀ-ն սխալ է հաշվարկված (...): Հարկ է նշել, որ արձանագրությամբ նկարագրված չէ, թե հաշվարկի սխալը ինչու է:

Ինչպես երևում է սույն գործի փաստերից Մասնակցի գնային առաջարկը ամենացածրն է, իսկ Մասնակցի գնային առաջարկից հետո մյուս մասնակցի ամենացածր գինը ներառյալ ԱԱՀ-ն կազմում է 1.306.517.417 (մեկ միլիարդ երեք հարյուր վեց միլիոն հինգ հարյուր տասնյոթ հազար չորս հարյուր տասնյոթ) ՀՀ դրամ:

Վերոգրյալից երևում է, որ Մասնակցի գնային առաջարկը (1.171.103.626 ներառյալ ԱԱՀ-ն) **135.413.791 ՀՀ դրամով ցածր է Մասնակցի գնային առաջարկից հետո ցածր գին ներկայացարծ մյուս մասնակցի գնային առաջարկից:**

Այսպիսով պատվիրատուն մերժելով Մասնակցի հայտը ձեռնամուխ է լինում ձեռքբերել Գնման առարկան ավելի թանկ գնով: Եվ գնման առարկայի ձեռքբերման համար պատրաստվում է վճարել **135.413.791 (հարյուր երեսունհինգ միլիոն չորս հարյուր տասներեք հազար յոթ հարյուր իննսունմեկ) ՀՀ դրամ ավել գումար:**

3.2. Գնման գործընթացը կազմակերպելիս Պատվիրատուն պարտավոր է ղեկավարվել «Գնումների մասին» ՀՀ օրենքի «Օրենքի նպատակը, սկզբունքները և գործողության ոլորտը» վերտառությամբ 3-րդ հոդվածի դրույթներով: Այդ հոդվածի 1-ին մասի 1-ին և 2-րդ կետերի համաձայն. «1. Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան (...) աշխատանքների (...), ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:»

Վերը գրված իրավական նորմերից հեղևում է, որ գնման գործընթացի շրջանակներում Պատվիրատուն իրեն անհրաժեշտ աշխատանքները ձեռք բերելիս պետք է ձգտի, որպեսզի դրանք գնվեն հնարավորինս ցածր գնով՝ այդ կերպ խնայելով թե պետության, թե իր միջոցները:

Սակայն, ունենալով Գնման առարկան ցածր գնով ձեռքբերելու հնարավորություն Պատվիրատուն խախտում է օրենքի նշյալ պահանջը և փորձում է այն ձեռքբերել թանկ գնով, այդ կերպ վատնելով **135.413.791 (հարյուր երեսունհինգ միլիոն չորս հարյուր տասներեք հազար յոթ հարյուր իննսունմեկ) ՀՀ դրամ գումար:**

4. Պահանջը

Ելնելով վերոգրյալից և հիմք ընդունելով «Գնումների մասին» ՀՀ օրենքի 50-րդ հոդվածը և 51-րդ հոդվածի 1-ին մասը գնումների հետ կապված բողոքներ քննող անձին

Խնդրում եմ՝

պարտավորեցնել թիվ ՀՀՔԿ-ԲՄԱՇՁԲ-20/8 ծածկագրով բաց մրցույթի գնահատող հանձնաժողովին՝

4.1. Դադարեցնել թիվ 2-2 արձանագրությամբ «Արալպլաստ» ՍՊԸ-ի հայտը անբավարար գնահատելու և մերժելու մասին որոշումները:

5. Միաժամանակ խնդրում եմ բողոքը բավարարելու դեպքում բողոքարկման վճարը փոխանցել «Արդշինբանկ» ՓԲԸ-ի 2474500282840010 հաշվեհամարին:

6. Կից ներկայացնում եմ՝

- բողոքարկման վճարը կատարած լինելը հիմնավորող փաստաթղթի պատճենը,
- «Արալպլաստ» ՍՊԸ-ի գրանցման վկայականի պատճենը,
- «Արալպլաստ» ՍՊԸ-ի տնօրեն Արարատ Ալավերդյանի անձը հաստատող փաստաթղթի պատճենը,
- թիվ «ՀՀՔԿ-ԲՄԱՇՁԲ-20/8» ծածկագրով գնանշման հարցման ընթացակարգի թիվ 2-1, 2-2, 2-3 արձանագրությունների պատճենները,

«Արալպլաստ» ՍՊԸ-ի տնօրեն

Արարատ Ալավերդյան

